



PNB COMMERCIAL SDN BERHAD
(PNBC) KUMPULAN SYARIKAT
(KUMPULAN PNBC)
PERNYATAAN POLISI PENCEGAHAN SOGOKAN DAN
PENCEGAHAN RASUAH
KUMPULAN PNBC

JADUAL KANDUNGAN

1	PENGENALAN	3
2	PENGGUNAAN	3
3	KEGAGALAN MEMATUHI PERNYATAAN POLISI ABC KUMPULAN PNBC INI	4
4	KOMITMEN KAMI	4
5	PENAFIAN	4

PENGENALAN

1. Pengenalan

- 1.1 PNB Commercial Sdn Berhad (No. Syarikat 199601026630 (518026-P) (“PNBC”) dan syarikat-syarikat kumpulannya (secara kolektif, “Kumpulan PNBC”) komited untuk menerapkan standard integriti dan tingkah laku beretika yang paling tinggi dalam semua aktiviti perniagaan dan operasi kami. Membanteras rasuah adalah tanggungjawab setiap individu dalam organisasi ini dan menetapkan standard untuk pencegahan sogokan dan pencegahan rasuah adalah sebahagian daripada tanggungjawab Lembaga Pengarah, pengurusan kanan dan kakitangan Kumpulan PNBC.
- 1.2 Kumpulan PNBC menerapkan **Persekitaran Perniagaan Bebas Sogokan/Rasuah** daripada pelbagai aktiviti sogokan dan rasuah, dan mengambil sikap tegas terhadap perbuatan sebegini.
- 1.3 Oleh itu, adalah penting bagi Kumpulan PNBC untuk mematuhi dan menjalankan perniagaannya dengan pematuhan penuh kepada semua undang-undang dan peraturan yang terpakai termasuklah polisi dan prosedur dalaman yang berkaitan.

PENGGUNAAN

2. Penggunaan

- 2.1 Pernyataan Polisi Pencegahan Sogokan and Pencegahan Rasuah Kumpulan PNBC (“Pernyataan Polisi ABC Kumpulan PNBC”) ini perlu dibaca bersama dengan Piagam Integriti dan Rangka Kerja Kumpulan PNBC, Kod Etika Perniagaan Kumpulan PNBC, Polisi Pemberian Maklumat Kumpulan PNBC, Buku Panduan Kakitangan PNBC, dan semua polisi dan prosedur dalaman yang berkaitan dengan Kumpulan PNBC.
- 2.2 Pernyataan Polisi ABC Kumpulan PNBC ini terpakai kepada Lembaga Pengarah dan ahli-ahli jawatankuasa Lembaga Pengarah (secara kolektif, “Lembaga Pengarah”), pengurusan kanan, kakitangan Kumpulan PNBC, sama ada berjawatan tetap atau kontrak, pihak-pihak berkepentingan Kumpulan PNBC, serta rakan perniagaan (secara kolektif, “Wakil”). Pernyataan Polisi ABC Kumpulan PNBC ini tidak bertujuan menyediakan jawapan pasti untuk semua pertanyaan mengenai sogokan dan rasuah, tetapi lebih kepada untuk menyediakan pengenalan asas tentang tatacara Kumpulan PNBC memerangi sogokan dan rasuah dalam meningkatkan komitmen Kumpulan PNBC terhadap tingkah laku yang berlandaskan undang-undang dan beretika pada setiap masa.
- 2.3 Sekiranya terdapat sebarang percanggahan atau konflik antara terma-terma Pernyataan Polisi ABC Kumpulan PNBC ini dan peruntukan undang-undang sedia ada, peruntukan undang-undang sedia ada tersebut akan diguna pakai. Sekiranya anda merasakan bahawa ada peruntukan dalam Pernyataan Polisi ABC Kumpulan PNBC ini bertentangan dengan undang-undang tempatan di mana perniagaan anda beroperasi, anda perlu berunding dengan Ketua Jabatan/Bahagian, Bahagian Modal Insan atau Jabatan Tadbir Urus PNBC.
- 2.4 Kumpulan PNBC akan mematuhi Akta Suruhanjaya Pencegahan Rasuah Malaysia 2009 (“Akta SPRM 2009”) dan semua peruntukan undang-undang yang berkaitan untuk membanteras aktiviti sogokan dan rasuah dalam mengendalikan atau menjalankan perniagaannya. Ini termasuk, dan tidak terbatas kepada, negara-negara di mana Kumpulan PNBC mempunyai pejabat. Tambahan lagi, sebagai sebuah institusi berlesen di bawah Suruhanjaya Sekuriti Malaysia (“SC”), PNBC akan mematuhi peruntukan di bawah Akta Pasaran Modal dan Perkhidmatan 2007 (“CMSA”), garis-garis panduan berkaitan yang dikeluarkan oleh SC dan semua undang-undang dalam mengendalikan atau menjalankan perniagaannya.
- 2.5 Sebagai peringatan penting, walaupun perlakuan rasuah berlaku di negara yang tidak mempunyai undang-undang pencegahan rasuah, Akta SPRM 2009 dan undang-undang negara di mana Kumpulan PNBC mengendalikan atau menjalankan perniagaannya mungkin akan diguna pakai. Sogokan atau rasuah (atau malah persepsi atau tuduhan mengenainya):
 - (i) akan merosakkan reputasi Kumpulan PNBC; dan/atau
 - (ii) boleh menyebabkan Kumpulan PNBC menanggung kos yang sangat tinggi sama ada dari segi kemungkinan pembayar denda dan masa yang lama untuk menangani isu-isu tersebut, dan boleh menyebabkan hukuman serius ke atas individu Kumpulan PNBC termasuk penjara dan denda, bahkan mungkin menyebabkan lesen dan permit penting dibatalkan.

3. KEGAGALAN MEMATUHI PERNYATAAN POLISI ABC KUMPULAN PNBC INI



3.1 Penglibatan dalam amalan sogokan atau rasuah boleh menyebabkan kesan buruk kepada anda dan Kumpulan PNBC. Anda boleh dipecat, didenda dan dipenjara, dan Kumpulan PNBC mungkin mendapat reputasi buruk, kerugian kewangan dan dihalang daripada menjalankan perniagaan serta akibat negatif yang lain. Bagi rakan-rakan perniagaan, mereka mungkin menghadapi proses penamatan, penghentian, penangguhan, atau penarikan dari sebarang hubungan perniagaan.

KOMITMEN KAMI

4. Komitmen Kami

4.1 Kumpulan PNBC komited untuk:

- (i) menegakkan undang-undang pencegahan rasuah dan undang-undang sekuriti yang berkenaan dengan Kumpulan PNBC, termasuk tanpa batasan kepada Akta SPRM 2009 dan juga CMSA;
- (ii) tidak menawarkan sogokan atau membiarkan penawaran sogokan bagi pihak Kumpulan PNBC;
- (iii) tidak menerima sogokan, atau menyetujui penerimaannya atas nama Kumpulan PNBC;
- (iv) menyimpan buku dan rekod yang tepat untuk semua urusan perniagaan;
- (v) memastikan bahawa Wakil Kumpulan PNBC mengetahui dan mematuhi nilai dan polisi Kumpulan PNBC;
- (vi) mematuhi syarat peraturan termasuk memenuhi sistem piawaian antarabangsa mengenai Sistem Pengurusan Pencegahan Sogokan ("ABMS"), dan polisi serta prosedur dalaman berkenaan dengan sogokan dan rasuah;
- (vii) mengelakkan menjalankan perniagaan dengan atau mengaitkan Kumpulan PNBC dengan pihak lain yang tidak menerima nilai dan dasar Kumpulan PNBC, dan mereka yang boleh merosakkan reputasi Kumpulan PNBC;
- (viii) melaksana pemantauan dan pematuhan pengauditan berterusan dengan prinsip-prinsip ini;
- (ix) menggalakkan lebih ramai individu untuk membuat laporan melalui saluran pemberian maklumat yang telah ditetapkan dan mengikut Polisi Pemberian Maklumat Kumpulan PNBC; dan
- (x) melakukan penambahbaikan secara berterusan terhadap polisi dan prosedur dalaman yang berkaitan dengan masalah rasuah, termasuk penguatkuasaan ABMS.

PENAFIAN

5. Penafian

5.1 Pernyataan Polisi ABC Kumpulan PNBC ini akan dikaji semula dan diperbaharui dari semasa ke semasa dalam mematuhi keperluan semua undang-undang yang terpakai. Sebarang pelencongan atau penafian daripada Pernyataan Polisi ABC Kumpulan PNBC ini, perlu mendapat kelulusan daripada Lembaga Pengarah, atau Jawatankuasa Pematuhan Lembaga Pengarah Kumpulan PNBC.